

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

- 1. Utoqqaat ilarpassuisa ilai suli sullisserusuttut januarip aallaqqaataani 2020-imi utoqqalinersiaqarnissamut ukiut angoreersimangaat akileraarutitigut sakkortuumik artorsinneqarnerat Naalakkersuisunit immikkut ittumik qanoq iliuseqarfigineqarsinnaava ?**
- 2. Utoqqaat apeqqummi 1-imi pineqartut aamma utoqqaat aqqissuussinermi ikaarsaariarnerup nalaani eqqungaasut soraarnerussutisiaqalernissamut aqqissuussinermut peqataasussaataasut, maannakkullu akileraarutitigut 50 %-imik akileraartussaataalersut ukiup tulliani ”pillangaallutik” 50 %-imik akileraarutitigut akilersuitinneqartut qanoq ilillutik pinngittaalisallutik akileraarutit aqputigalugit eqqungaasut akileraarutitigut akiliutigineqartut utertinneqarnissaat pillugit Naalakkersuisut nassuiaateqarfigineqarsinnaappat ?**
- 3. Qanoq Naalakkersuisut isumaqarpat ? ilumut uani eqqartorneqartumi inatsisip atuutilernissaanut utoqqarnut pitsaanerusunik ikaarsaariarfilissiinissaq eqqarsaatigilluarnerusariaqarsimannginnerppat ?**
- 4. Naalakkersuisut utoqqarnut apeqqutit 1-imi 2-imilu eqqartorneqartunut januarillu aallaqqaataani akileraarutitigut annertoorujussuarmik eqqornerlunneqartunut oqilisaassiniarlutik qanoq immikkut ittumik iliuseqarniarpat ?**
- 5. Naalakkersuisut upernarsarsinnaavaa-at utoqqaat 1. januar 2020-imi 66-inik ukioqalereersimasut utoqqalinersiutisiassatit tingusinnaalereersimasussaangaa-at ?**
 - a. Apeqqut 5-imi akuersaarneqarpat, taava utoqqaat 2020 immikkut akileraarutitigut pinngitsaalissaallutik akileraarutitigut akilikkatit tigusinnaassavaa-at ?**
 - b. Akissut itingartitsissutaassappat, taava suna inatsit tunngavigalugu utoqqaat 1. januar 2020 pinngitsaalisaallutik ileqqaartitaanermi ileqqaarutitik tigusinnaassanngilaat ?**
- 6. Ilumut Naalakkersuisut sulinerup imminut akilersinnaasusnaanera aamma utoqqaat sivisunerusumik sulinnarsinnaanerit illersorunikkut, soormi utoqqaat**

**suliinnarusuttut aaqqissuussinerni imaattuni immikkut ittumik ikaarsaariarnermi
periarfissiiniangillat ? ajornartorsiutit maanna atuutsinneqartut
pinngitsoortinniarlungit**

(Inatsisartut Ilaasortaq, Jens Napātôk, Partii Naleraq)

Tunngavilersuut:

Aallaqqaasiullugu Partii Naleqqamiit erseqqissaatigissuarput; utoqqalinissamut ileqqaaruteqartarneq tunngaviatigut akerlerinnginnatsigu, kisianni-una aaqqissuussinerup inuit utoqqaallu ilaannut ilaatingut ajorluinnartumik pilersarusiorluangaanngitsumillu sunniuteqapilunnera torrallataanngilluinnarmat iluarsisuteqarnissaq anguniarlugu matumuuna ilaatigut apeqquteqaateqartugut.

Piffissami matumani tusagassiuutitigut allatingullu eqqartorneqarpoq utoqqalinissamut ileqqaartussaataitaasut inuit 7000-it -ngajaat aningaasatigut eqqornerlunneqartut.

Aamma paasivarput utoqqarnut utoqqaallu ilaannut allaat utoqqalinersiuteqalernissaminnut pisinnaataaffeqareersunut, kisiannili saniatingut sulisinnaasunut aaqqissuussineq taakkua suleqqiinnarsinnaanerannut kajumissaataanngilluinnartumik sunniuteqapilussinnaasoq, taamaattumik apeqqutit qulaani saqqummiussatta sukumiisumik akissuteqarfigineqarnissaat piumasaaqaatingaarput.

Tassami utoqqaat ilarpassui ukiorpassuarni inuiaqatigiinni sulereersimasut aammalu ilarpassui maanna aaqqissuussinerli sioqqullugu suliffitsik aqputigalugu soraarnerussutisiaqarnissamut taamanikkulli aaqqissuussaareersut periarfissat atorlugit utoqqalinissaminut katersaqareersimasut, kisiannili suli inuiaqatigiinnut kajumillutik sullisserusuttut maanna tamakku ilai pinngitsaalisasutut misigisimallutik januarip aallaqqaataaniik akileraarutitigut 50 % -mik akilersuitinneqalerput, oqareernitsituut naak taakku ilaasa utoqqalinersiuteqarnissamut akiut 66-it piumasaaqaataasut 2020-li tikinngikkaa angoreersimangaluarlugit.

Isumaqarpugut pissutsit taamaattut akuersaarneqarsinnaanngitsut piaarnerpaamik iluarsineqartariaqartut.

Akissutit ullut suliffiit qulit qaangiutinnginnerini kissaatigineqarput.